

Od 2,5 dunuma malina, zarada 6.000 KM



Slika: Mevludin Šabić

Malina nema dugu tradiciju intenzivnog uzgoja na području opštine Zenica, međutim posljednjih godina sve se više uzgaja, tako da okolina Zenice za kratko vrijeme postaje prepoznatljiva po uzgoju jagodičastog voća. Razvoj i ekspanzija malinarstva ne samo da je omogućila razvoj poljoprivrednog sektora, već i samozapošljavanje i egzistenciju za poljoprivredna gazdinstva. Prepoznavši u uzgajanju malina zanimanje budućnosti, sve je više onih koji se odlučuju za ovaj vid poljoprivredne proizvodnje.

Devetnaest kilometara od Zenice, na području sela Puhovac, Arnauti, Briznik, Radinovići i Varda, podignuti su zasadi maline sorte Vilamet i Mikeer površine 90 dunuma, što je nemala površina za ovu proizvodnju. Sve je ovo rezultat dugogodišnje saradnje farmera ovog područja, sa Zemljoradničkom zadrugom "Pronatura" i Partner MKF.

Prema riječima klijenta Šabić Mevludina, saradnja sa Partnerom u podizanju zasada je izuzetna. Na području brda „Postojan“ na 894 metra n/v, Mevludin Šabić je podigao, sa svojom četvoročlanom porodicom, malinjak prema savremenim agrotehničkim mjerama.

"Zasad maline površine oko 2,5 dunuma sorte Miker, podigao sam u proljeće 2015. godine. Obzirom da sam nezaposlen, smatram da zasad maline može obezbijediti siguran prihod našoj višečlanoj porodici", započinje svoju priču Mevludin koji je jako zadovoljan sa uslovima Agro kredita. *"Nadmašena su sva moja očekivanja. Važno za ovu proizvodnju je kvalitet sadnog materijala maline, koji je sastavni dio Partnerovog robnog kredita, kao i posjedovanje izvora za navodnjavanje u blizini parcele. Ove godine na površini od 2,5 dunuma očekujemo prvi rod od 2 tone, sa prosječnom cijenom od 3 KM/kg, te očekujemo bruto prihod od 6.000 KM",* nastavlja svoju priču Mevludin.

"Obzirom da imamo izuzetne uslove za uzgoj malina, planiramo proširiti postojeće zasade korištenjem Agro kredita u Partner MKF. Uz ovaj kredit imamo kontinuiranu pomoć Partnerovih agronoma oko uzgoja zasada malina, sa kojima imamo izuzetnu saradnju. Partnerov Agro kredit daje sve uslove za uspjeh u ovoj proizvodnji, od kojih su najvažnija tehnička pomoć agronoma i grejs period. U našim selima konstantno se proširuju postojeći zasadi, kako bi svi zajedno bili konkurentniji na tržištu. Osim toga imamo siguran otkup kod našeg lokalnog otkuplivača, što daje šansu za proširenje postojećih zasada", ističe zadovoljno Mevludin.

U svojoj ponudi Partner MKF nudi Agro kredit koji je namijenjen za finansiranje dugogodišnjih zasada voćnjaka, vinograda, nabavku sistema za navodnjavanje, kao i nabavku plastenika i plasteničke opreme. Partner MKF je do sada plasirao ukupno 690 kredita u ukupnom iznosu od 1,9 miliona KM, za podizanje dugogodišnjih voćnih zasada na površini oko 1.564 dunuma (150.6 ha), raznih voćnih zasada.